



PRIFYSGOL
BANGOR
UNIVERSITY

Accommodation
Services
Gwasanaethau Llety



2026



Ymunwch â'r Tîm Bywyd Preswyl!

bangor.ac.uk/cy/accommodation/residential-life-team

Pwy ydym ni?

Mae'r Tîm Bywyd Preswyl yn hyrwyddo cymuned breswyl glos ac yn cefnogi lles yr holl fyfyrwyr sy'n byw yn llety Prifysgol Bangor.

**Mae'r tîm yn cynnwys
Cydlynwyr Campws Byw
a Mentoriaid Preswyl.**



Cefndir

Mae Campws Byw yn rhaglen o ddigwyddiadau cymdeithasol a grëwyd gan dîm o gydlynwyr myfyrwyr ac a gyflwynir am y rhan fwyaf o'r flwyddyn. Cynhelir digwyddiadau ym Mhentrefi Ffriddoedd a'r Santes Fair, yn ogystal ag oddi ar y safle mewn llawer o wahanol lefydd ar draws gogledd Cymru a gogledd-orllewin Lloegr. Mae digwyddiadau'r gorffennol wedi cynnwys nosweithiau cerddoriaeth fyw, dosbarthiadau meistr ffug, noson sinema awyr agored, adeiladu rafftau, heicio'r Wyddfa ac Ystafelloedd Dianc. Rydym hefyd yn cynnal cyfres o ddigwyddiadau unigryw gan gynnwys cinio dydd Sul, nosweithiau cwis, bingo, dosbarthiadau coginio a nosweithiau ffilm.

Mae ein tîm Mentoriaid Preswyl yn canolbwyntio ar ofal bugeiliol a lles, trwy gefnogi cyd-fyfyrwyr. Mae'r tîm Mentoriaid, gyda chefnogaeth Uwch Wardeniaid, yn darparu cefnogaeth y tu allan i oriau i breswylwyr, 365 diwrnod y flwyddyn. Rydym yno i helpu myfyrwyr ag amrywiaeth eang o bryderon o hiraeth i gymdogion swnllyd, a byddwn yn eu cyfeirio at rwydweithiau cefnogaeth perthnasol yn fewnol ac yn allanol os oes angen.

**Mae'r ddwy rôl yn cael
eu rheoli a'u cefnogi gan
staff llawn amser yn yr
Adran Bywyd Preswyl.**

Beth mae pob tîm yn ei wneud?



Cydlynwyr Campws Byw

Mae 10 swydd ar gael i ymuno â'r tîm Campws Byw. Mae llety wedi'i gynnwys i'ch galluogi i wneud eich rôl, a bydd pum aelod yn byw ym Mhentref Ffriddoedd a phump ym Mhentref y Santes Fair.

Gyda chefnogaeth y Cydlynnydd Bywyd Preswyl byddwch yn:

- » Cyd-greu'r calendr digwyddiadau fel tîm.
- » Cyflwyno pob agwedd ar ddigwyddiadau yn llwyddiannus.
- » Dosbarthu deunydd marchnata ar draws y campws.
- » Postio'n rheolaidd ar gyfryngau cymdeithasol yn hyrwyddo'r digwyddiadau a'r ymgyrchoedd.
- » Ymweld â fflatiau yn wythnosol i ddal i fyny â phreswylwyr a rhoi gwybod iddynt am ddigwyddiadau.
- » Diweddarau hysbysfyrddau perthnasol ar draws y campws.
- » Mynd i gyfarfodydd tîm wythnosol i adolygu'r calendr digwyddiadau.
- » Cynllunio digwyddiadau ac ymgyrchoedd sydd i ddod.
- » Mynd i ddiwrnodau agored a chefnogi gweithgareddau marchnata i hyrwyddo Prifysgol Bangor.

Mentoriaid Preswyl

Mae'r tîm yn cynnwys 30 o fentoriaid-fyfyrwyr sy'n cydweithio ag Uwch Wardeiniaid a Swyddogion Diogelwch.



Gyda chefnogaeth gan yr Uwch Wardeniaid byddwch yn:

- » Darparu cefnogaeth rheng flaen i fyfyrwyr trwy fod ar alwad mewn achosion brys. Gwneir hyn ar sail rota gyda'r nos/nosweithiau, penwythnosau a gwyliau'r Brifysgol.
- » Helpu i gyfyngu anghydfodau myfyrwyr.
- » Ymateb i argyfyngau ar y safle ochr yn ochr ag Uwch Wardeiniaid a Swyddogion Diogelwch
- » Darparu adroddiadau ysgrifenedig o bob digwyddiad a damwain i gefnogi'r Prif Warden.
- » Cymryd rhan weithredol mewn ymarferion tân, atal troseddau ac ymwybyddiaeth iechyd a diogelwch.
- » Cynnal gwiriadau llesiant wythnosol yn y fflatiau i sicrhau bod y llety'n ddiogel ac yn lân.
- » Mynd i gyfarfodydd tîm wythnosol i drafod materion sydd wedi codi yn ystod yr wythnos a chymryd rhan mewn hyfforddiant tîm.
- » Mynd i ddiwrnodau agored a chefnogi gweithgareddau marchnata i hyrwyddo Prifysgol Bangor.

Gwybodaeth Ychwanegol...

Mae'r ddwy rôl yn gofyn am ymrwymiad o **40 awr y mis** ar gyfartaledd, neu tua **10 awr yr wythnos**. Sylwch y bydd y ddwy rôl yn cynnwys gwaith penwythnos a gyda'r nos, a rhaid i chi fod ar gael i weithio ar rota i gyflawni'r gofyniad hwn.

Mae'n ofynnol i Gydlynwyr Campws Byw a Mentoriaid Preswyl weithio yn **ystod Diwrnodau Agored** yn hyrwyddo'r rhaglen Bywyd Preswyl a chynrychioli Neuaddau Prifysgol Bangor, yn ogystal â'r Adran Bywyd Preswyl.

Rhaid i bob aelod o'r tîm fynychu hyfforddiant gorfodol ym mis Medi a bod ar gael i weithio yn ystod yr wythnos groeso.

Bydd angen nifer dethol o Fentoriaid Preswyl i weithio dros wylliau'r Brifysgol.

Ni fydd Cydlynwyr Campws Byw yn cynnal digwyddiadau yn ystod gwyliau'r Brifysgol, ond bydd gofyn iddynt ddychwelyd cyn dechrau'r tymor i ddosbarthu'r calendr.

Mae llawer o sgiliau y gofynnwn amdanynt yn y rolau hyn yn gwbl dros glwyddadwy ac rydym yn aml yn gweld yr un rhinweddau yn y ddwy set o ymgeiswyr.

Sylwch - byddwn yn ystyried eich cais ar gyfer y ddwy rôl oni bai eich bod wedi nodi dewis ar eich ffurflen gais

Bydd angen gwiriad DBS ar gyfer y ddwy rôl.



Dyma rai o fanteision ymuno â'r tîm...

- » **Pecyn llety gwerth dros £5500!**

Yn cynnwys yr holl filiau, Wi-Fi, diogelwch 24/7 ac aelodaeth o gampfa

- » **Cyfleoedd hyfforddi cynhwysfawr gan gynnwys tystysgrif cymorth cyntaf.**

- » **Cydnabod y profiad ar eich trawsgriafiad academiaidd (CCAU)**

- » **Cyfleoedd rhwydwaith gwych ar draws y Brifysgol a'r gymuned**

- » **Arwain teithiau a phrofiadau anhygoel**

- » **Gwneud ffrindiau am oes**

- » **Profiad gwaith gwych ar gyfer eich CV**

Gwella eich sgiliau rheoli amser, gwaith tîm a threfnu. Datblygu hyder wrth ymdrin â sefyllfaoedd dan bwysau a chyfathrebu ag amrywiaeth o fyfyrwyr a staff ar draws y Brifysgol.



Gofynion Personol ar gyfer pob ymgeisydd:

Addysg / Hyfforddiant

Rhaid i ymgeiswyr fod yn fyfyrwyr israddedig neu ôl-raddedig mewn addysg llawn amser ac eisoes wedi treulio o leiaf 1 semester ym Mhrifysgol Bangor.

Profiad a Sgiliau

- » Gallu cyfathrebu'n effeithiol, ar lafar ac yn ysgrifenedig.
- » Rheoli amser yn rhagorol.
- » Hyderus wrth ymwneud â myfyrwyr mewn amrywiaeth o sefyllfaoedd.
- » Mae profiad blaenorol o weithio mewn sector gwasanaethau cwsmeriaid yn ddymunol.
- » Mae gallu cyfathrebu yn Gymraeg yn ddymunol, ond nid yw'n hanfodol.

Nodweddion Personol

- » Unigolyn brwdfrydig, cymdeithasol ac allblyg.
- » Gallu creu perthynas â myfyrwyr o wahanol gefndiroedd diwylliannol a chymdeithasol.
- » Sgiliau rhyngpersonol da, gyda'r gallu i ddatblygu cysylltiadau gwaith effeithiol â chydweithwyr ar bob lefel yn y Brifysgol.
- » Hynod drefnus
- » Ymddygiad proffesiynol
- » Gallu gweithio'n annibynnol ac fel rhan o dîm
- » Y gallu i feddwl ar eich traed ac addasu i sefyllfaoedd yn gyflym.
- » Gwneud penderfyniadau'n hyderus – weithiau mewn amgylcheddau â llawer o bwysau
- » Adrodd yn gywir a chysylltu'n effeithiol.

Darperir hyfforddiant cynhwysfawr i bob ymgeisydd llwyddiannus rhwng 7^{fed} – 16^{eg} Medi.



Rhestr wirio wrth wneud cais

Meini prawf hanfodol	Cydlynnydd Campws Byw	Mentor Bywyd Preswyl
Myfyriwr Prifysgol Bangor sydd wedi cofrestru'n llawn o fis Medi 2026 - Mehefin 2027.	✓	✓
Yn byw mewn ystafell ddynodedig yn Neuaddau Preswyl Prifysgol Bangor.	✓	✓
Gweithio yn niwrnodau agored y Brifysgol yn ôl gofynion y Tîm Bywyd Preswyl.	✓	✓
Mynychu hyfforddiant tîm Bywyd Preswyl gorfodol o 7^{fed} – 16^{eg} Medieg 2025.	✓	✓
Bydd yn ofynnol gweithio yn ystod yr Wythnos Groeso, o 21^{ain} - 27^{ain} Medi 2025.	✓	✓
Gwybodaeth am lwyfannau cyfryngau cymdeithasol.	✓	✗
Cwblhau gwiriad boddhaol gan y Gwasanaeth Datgelu a Gwahardd (DBS) cyn dechrau gweithio.	✓	✓

Felly pam ymuno â'n tîm?

Dyma beth mae cyn-fyfyrwyr wedi'i ddweud am eu hamser gyda'r tîm...



Pan ddechreuais gyda Champws Byw, roeddwn i'n gwybod y byddwn i'n ennill profiad trwy weithio a chynnal digwyddiadau. Yr hyn nad oeddwn yn ei wybod oedd y byddwn yn datblygu sgiliau a hyder amhrisiadwy mewn meysydd nad oeddwn yn meddwl oedd yn bosibl. Mae bod yn aelod o'r tîm hwn wedi bod yn gymaint o hwyl ac wedi bod yn agoriad llygad; alla i ddim aros i weld beth ddaw nesaf.



Mae Campws Byw wir yn dod â'r gorau allan ynoch chi. Roedd bod yn rhan o'r tîm yn profi y gallwn i gael hwyl wrth weithio'n galed. Mae profiad gwaith Campws Byw wedi dysgu cymaint o sgiliau trefnu a rheoli i mi ac mae'n ffordd wych o roi cynnig ar bethau newydd.



Mae rôl y mentor yn cynnig set werthfawr o sgiliau trosglwyddadwy y mae cyflogwyr y dyfodol wrth eu bodd yn eu gweld. Byddwch bob amser yn cael eich cefnogi gan y tîm clos a fydd yn eich helpu i gyrraedd eich potensial mwyaf.



Mae bod yn Fentor Preswyl ym Mhrifysgol Bangor wedi rhoi'r hyder i mi weithio mewn grwpiau ac fel unigolyn. Rydw i wedi dod yn ymwybodol o'r effaith y gall amgylchiadau arbennig ei chael ar waith academiaidd myfyrwyr, yn ogystal â'r gofal bugeiliol sydd ar gael yn y Brifysgol ac yn allanol.



Eisiau gwneud cais o hyd?

Llenwch ein ffurflen gais yma!



- » Mae ceisiadau ar agor o 1^{af} Ionawr - 6^{ed} Chwefror 2026.
- » Ein nod yw rhoi gwybod i bob ymgeisydd erbyn 23^{ain} Chwefror – 6^{ed} Mawrth.
- » Bydd hyfforddiant gorfodol o 7^{fed} - 16^{eg} Medi. Rhaid i bob ymgeisydd llwyddiannus fod ym Mangor i fynychu hyfforddiant a dechrau dyletswyddau.
- » Sylwch na chymerir unrhyw geisiadau gwyliau yn ystod mis Medi yn unol â pholisi'r adran Bywyd Preswyl a natur y rolau.
- » Sylwch os gwelwch yn dda, os ydych yn arweinydd cyfoed ni fyddwch yn gallu ymgymryd â dyletswyddau arweinydd cyfoed rhwng 7^{fed} - 30^{ain} Medi.





PRIFYSGOL
BANGOR
UNIVERSITY

Accommodation
Services
Gwasanaethau
Llety

Ymunwch â'r
Tîm Bywyd
Preswyl!



bangor.ac.uk/cy/accommodation/residential-life-team

